

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
GRAD BOSANSKA KRUPA
GRADSKI ORGAN UPRAVE
Broj: 07-11-5-8529/23
Bosanska Krupa, 22.11.2023.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14 i 59/22), u otvorenom postupku nabavke radova s namjerom provođenja e-aukcije – Dogradnja tribina na SRC „ADE“, Bosanska Krupa – FAZA I, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

ODLUKU
o izboru najpovoljnijeg ponuđača

1. Prihvata se ponuda ponuđača **d.o.o. „BC-GRADNJA“ Bosanska Krupa**, u predmetu nabavke radova – **Dogradnja tribina na SRC „ADE“, Bosanska Krupa – FAZA I**, sa cijenom u ukupnom iznosu od **51.139,35 KM bez PDV-a**, odnosno **59.833,04 KM sa PDV- om**.
2. Izabrani ponuđač se obavezuje da u roku ne dužem od 10 (deset) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (1) tačka a), b), c) i d) Zakona o javnim nabavkama.
3. Po konačnosti ove odluke sa izabranim ponuđačem potpisat će se ugovor o izvođenju radova na dogradnji tribina na SRC „ADE“, Bosanska Krupa – FAZA I.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-8529/23 od 27.10.2023. godine. Javna nabavka je provedena putem otvorenog postupka s namjerom provođenja e-aukcije– Dogradnja tribina na SRC „ADE“, Bosanska Krupa – FAZA I. Obavještenje o nabavci broj: 1272-1-3-140-3-133/23 od 27.10.2023. godine - objavljeno na portalu JN (TD preuzelo ukupno 12 ponuđača) i u „Službenom glasniku BiH“, broj: 76/23 od 3.11.2023. godine.

Po objavljenom obavještenju rok za prijem ponuda je bio 17.11.2023. godine do 14:00 sati. Do označenog roka za prijem ponuda na protokol Ugovornog organa pristigle su ukupno 2 (dvije) ponude, a što je vidljivo iz tabelarnog pregleda dostavljenog od strane službenice koja radi na protokolu ugovornog organa i to ponude:

1. **Ponuđač d.o.o. „EURO-COP INVEST“ Bosanska Krupa** broj protokola: 07-11-5-8529-2/23, 17.11.2023. godina u 9:45 sati
2. **Ponuđač d.o.o. „BC-GRADNJA“ Bosanska Krupa**, broj protokola: 07-11-5-8529-3/22, 17.11.2023. godina u 11:02 sati

Komisija za provođenje postupka javne nabavke je u skladu sa tenderskom dokumentacijom dana 17.11.2023. godine u 14,15 sati izvršila javno otvaranje ponuda i na zapisnik konstatovala:

1. **d.o.o. „EURO-COP INVEST“ Bosanska Krupa**, dostavljena ponuda (original i kopija) uredno zapakovana i bez vidnih oštećenja, ponudio je:
cijena ponude: **51.096,90 KM bez PDV**,
PDV **8.686,47 KM**
ukupna cijena ponude: **59.783,38 KM sa PDV- om**,
Nema popusta

2. **d.o.o. „BC-GRADNJA“ Bosanska Krupa**, dostavljena ponuda (original i kopija) uredno zapakovana i bez vidnih oštećenja, ponudio je:
cijena ponude: **51.139,35 KM bez PDV**,
PDV **8.693,69 KM**
ukupna cijena ponude: **59.833,04 KM sa PDV- om**,
Nema popusta

Komisija je konstatovala da je procijenjena vrijednost radova **51.242,44 KM** , cijena sa PDV-om: **59.953,65 KM**.

Prilikom evaluacije dostavljenih ponuda Komisija je konstatovala da je ponuda ponuđača **d.o.o. „EURO-COP INVEST“** Bosanska Krupa potpuna, ali da ponuđač ne ispunjava uslove iz tačke 13.4. – Tehnička i profesionalna sposobnost (utvrđeno iz spiska ugovora i priloženih potvrda da nema reference za radove koji su predmet nabavke te da se dostavljene potvrde odnose na radove niskogradnje), kojom se traže sljedeći minimalni uslovi:

„ da je u posljednjih 5 godina imao uspješno realizovan najmanje 1 (jedan) ugovor na radovima čiji su karakter i kompleksnost adekvatni predmetnoj nabavci– (radovi na visokogradnji) u vrijednosti od najmanje 55.000,00 KM sa PDV-om, (ili zbirni uslov za više realizovanih ugovora zbirne vrijednosti 55.000,00 KM sa PDV-om)“.

Na osnovu navedenog Komisija je predložila ugovornom organu da u skladu sa tačkom 14. i tačkom 13.4.2. Tenderske dokumentacije ponudu ponuđača d.o.o. „EURO-COP INVEST“ Bosanska Krupa odbaci kao neprihvatljivu.

Komisija je konstatovala da je ponuda ponuđača d.o.o. „BC-GRADNJA“ Bosanska Krupa potpuna, ispravna u formalno-pravnom smislu (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze, kao i da računskih grešaka nije bilo), te da je cijena ponude u okviru procijenjene vrijednosti..

Također je konstатовano da je u ovom postupku predviđeno provođenje e-aukcije, ali se ista neće provoditi, jer je preostala samo jedna prihvatljiva ponuda, a shodno članu 3. stav (3) Pravilnika o načinu korištenja e-aukcije.

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predložila je Ugovornom organu da donese Odluku o izboru najpovoljnijeg ponuđača i to d.o.o. „BC-GRADNJA“ Bosanska Krupa i zaključi Ugovor s istim.

S obzirom da je kriterij za dodjelu ugovora „najniža cijena tehnički zadovoljavajuće ponude, “ da je ponuda ponuđača d.o.o. „BC-GRADNJA“ Bosanska Krupa jedina prihvatljiva ponuda i u okviru procijenjene vrijednosti predmetne nabavke, Ugovorni organ je odlučio kao u dispozitivu odluke.

Pouka o pravnom lijeku

Protiv ove odluke može se izjaviti žalba najkasnije u roku od 10 (deset) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obrađivač:
Selma Bužimkić, dipl. pravnik

Dostavljeno:

1. „BC GRADNJA“ d.o.o. Bos. Krupa putem e-maila
2. „EURO-COP INVEST“ d.o.o. Bos. Krupa putem e-maila
3. U spis
4. a/a

GRADONAČELNIK

Armin Halitović